



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ՆԱԲԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Խորենացու 7

« 29 » օգոստոսի 2016թ.

Ո Ր Ո Շ ՈՒ Մ No. 922 /03

**Հարկ վճարողից ժամանակին չվճարված հարկային պարտավորությունների
գծով վճարման ենթակա գումարը գանձելու մասին**

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա.Մնացականյանս քննարկելով «Խաժար» ՍՊ ընկերության վերաբերյալ վարչական վարույթի նյութերը.

Պ Ա Ր Զ Ե Ց Ի

Հայտնում ենք Ձեզ, որ ըստ հարկային մարմնում առկա անձնական հաշվի քարտի «Խաժար» ՍՊ ընկերության (ՀՎՀՀ՝ 02262687, ՀԾՀ՝ 2910840409, պետական գրանցման համար 269.110.859234, ք. Երևան, Կոտոլսկու փ.16տ.) 28.07.2016թ. դրությամբ ունի 512.470 դրամ, ապառք՝ 349.682 դրամ, տույժ՝ 119.176 դրամ, տուգանք՝ 43.612 դրամ, չկատարված պարտավորություն՝

Եկամտային հարկի գծով 442.864 դրամ, ապառք՝ 301.332 դրամ, տույժ՝ 97.920 դրամ, տուգանք՝ 43.612 դրամ, եկամտային հարկի գծով պարտավորությունը առաջացել է 2015-2016թթ. հունիս ամիսների հաշվարկներից,

սոցիալական վճար (ամսեկան)՝ 56.759 դրամ, ապառք՝ 40.500 դրամ, տույժ՝ 16.259 դրամ, սոցիալական վճար (ամսեկան) գծով պարտավորությունը առաջացել է 2015-2016թթ. հունիս ամսվա հաշվարկից.

շրջանառության հարկի գծով՝ 12.847 դրամ, ապառք՝ 7.850 դրամ, տույժ՝ 4.997 դրամ, շրջանառության հարկի գծով պարտավորությունը առաջացել է 2015թ. 4-րդ, 2016թ. 1-2-րդ եռամսյանների հաշվարկներից:

Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ «Խաժար» ՍՊ ընկերության չկատարված հարկային պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 23.08.2016 թվականին ընկերության ներկայացուցիչը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:


«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով «Հարկերի մասին» ՀՀ օրենքի 29.1 հոդվածով, «Կուտակային կենսաթոշակների մասին» ՀՀ օրենքի 71-րդ հոդվածով, «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. «Խաժար» ՍՊ ընկերությունից գանձել 512.470 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ արդարադատության նախարարության դատական ակտերի հարկադիր կատարման ծառայություն:
3. Որոշման օրինակը եռօրյա ժամկետում ուղարկել /ֆիզ. անձին կամ/ հարկ վճարողին:
4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրագեկելուն հաջորդող օրվանից:
5. Սույն որոշումը կարող է բողոքարկվել վարչական մարմին կամ վերադաս վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

Իրավաբանական վարչության պետ:



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ